



壹齋集卷二十八

當塗

黃禎鉞

左田巖

古今體詩九十二首

道光辛巳至甲申

道光元年正月申中漣左足不良於行請假五日

上賜休十日仍遣侍衛桂輪偕太醫院院判錢嵩診視

感 恩恭紀

非才淡負

兩朝知衰老身猶荷 曲慈 命診頓令三縛解 賜休寬子

一旬期敢誇疾走從人羨願賦委蛇退食遲但恨殘年無報荅

空將藥裏問天醫

崇效寺牡丹為風雨所殘感賦

忙苦三春那得閒豐來蕭寺牡丹殘忍將落蕊煎酥喫悔未開

壹齋集卷二十八

筵對雨看泥泥臙脂猶有色香餘胡蝶尙成團明年擬學平安

報探取花時十日歡

悼亡 六月十六日

七十衰翁悲斷絃鸞膠再續是何年頗知百歲同歸盡未必三

生尚有緣入室昨猶為起立搥牀今已痛長眠回思上壽中堂

日不語神傷劇可憐五月二十四日為夫人七十生辰兒孫輩上壽稱觴不語神傷已自知病不起矣

平生情好如鱓鯈輒為飢驅輕別離五十年無終歲聚數千里

每寄書遲婚喪頻仗持門戶貧賤何曾賦屢屨今日 丹毫荷

宣慰辛勤端不負生時十八日上命軍機章京戶部郎中趙

強抑然卿已逾七旬氣質初非十分強壯者可比矧天時暑熱

祇可於無可如何之中節承以禮切勿過哀傷總之國事為

重倚任方濛務加意自顧何人猥以妻喪上煩 睿念雖捐糜

跪聆之下感激涕零自願何人猥以妻喪上煩 睿念雖捐糜

無以為報然夫人之死死有餘榮矣

辛巳九日招集何孝廉耿繩張舍人祥河和編修鶴藻

吉士劉師陸田嵩年小飲餘清齋次吳文定文温州九

日唱和用潘邠老滿城風雨近重陽首句詩韻

滿城風雨近重陽何意晨曦照滿堂有興登高挈壺榼阿誰好
客慕原嘗花饒切玉陵峯蠱益桂舒金傲菊黃檢點舊圖思往
事眼中久不見王嘉慶壬申與王子卿田季高及兒輩分詠
重陽節物並繪圖為卷今子卿遠宦江西

不見者六年矣

滿城風雨近重陽破例秋晴急掃堂招致門生謀一醉摘來園
果與分嘗觴無苛政休浮白蟹已朝魁可擘黃獨惜恩恩縱歸
騎惟畱廊月對田郎

十九日招集何孝廉耿繩張舍人祥河陳修撰繼昌編

修徐法績和鶴藻許乃普陳鑾吉士劉師陸田嵩年再

臺齋集卷二十八

飲餘清齋作展重陽仍用前韻

勅廚設饌展重陽不樂空歌蟋蟀堂笑問客年生卷後合圖子
夜記吾嘗時出乾隆戊戌九日登高合圖駒光過隙空留白翁
色懷歸那得黃輪與能詩張博士真堪八采傲盧郎張舍人前
後和韻適

得八篇

居然甲第擬南陽蒙恩賜宅地安卻恨無人治北堂公退看

花惟獨對朋來得酒喜同嘗催詩畏見雲頭黑卜晝無煩燭淚

黃為遣哀情尋樂事不妨知覺到兒郎

歲暮襟惑

蒲褐何須苦坐禪起居不用法神仙今年新學林和靖多買梅

花伴獨眠

稻雞肥嫩尚鮮新菜蔬如丸顆顆勻鄉味緣何當食歎可憐無

復勸餐人

直歸何以慰閒居
斃遣孤懷強讀書
冷暖自知誰理會
此生真箇是鰥魚

獨擁重衾聽漏殘
四更霜月耐人看
笑他小宋情凝絕
半臂雖多卻忍寒

左把詩囊右酒尊
終年歡意畧無存
近來一事真堪慰
新染青衿付兩孫

安桐安鞏同案入學

壬午孟陬下澣招集諸同年春酌蔣光祿祥輝有詩次韻

韻

歸耕早赴力田科
富貴從知春糶婆
一夕江干呼臥起
廿年禁近負恩多
搏沙小聚星餘斗

同年在京者僅七人

逝水流光箭激波
且共歡顏酌春酒
弄黃楊柳漸阿那

壹齋集卷二十八

三

次韻辛太常從益同年

枯槐壓屋未全科
閉戶新居林行婆
老去同年難共聚
忙中暇日苦無多
春筵草草空浮蟻
好句諛諛寄衍波
持誦詩箋笑開口
真成引飯一維那

三十年前老甲科
不須鑷白早成婆
居然拔十猶存五

庚戌廷試十卷今惟太常與石琢堂蔣丹林王蓮府及誠五人在耳

所媿君才勝我多
氣得神仙標峻望
疏因軋茁挽頽波

先生磨勘試卷有正文體疏載科場條例

重來好為除花徑
轉眼春風一剝那

次韻葉給諫繼雯同年

醫國醫人豈異科
按經切脈傲蒼婆
思澄車給三騶重
章述胸藏六典多
官比鮎魚難上竹
心如古井不生波
著書教子餘無事
蘭玉階庭樂有那

君近注儀禮

題顧定之破窗風雨圖

為大名劉易作
上有楊鐵崖題

一竿破空梢不見兩竿夾之與風戰兩竿欹倒頭強低勁節不
為風雨變森森玉立五君子葉葉有聲盡東指縱橫使轉類草
書濡染淋漓溼滿紙劉君避地仍讀書破窗風雨榜所居定之
借竹寫以贈會稽老鐵題其圖吁嗟此圖畫史無萬竿煙雨胡
為乎試請鐵崖吹鐵笛應有蟄龍飛霹靂

寄葛秋農

五

竹林縱飲吾曾與親見同傾一石來

秋農為冬都姪曾
對飲一甕不醉

聞道阿

咸豪未減糟邱猶可築為臺

晨晷夜鯉亦何奇但出家庖百味宜未識東坡能有福重來飽

噉煮黎祁切豆腐方寸許煎以深油令透仍襍以蔥筍煮
之謂之東坡豆腐秋農叔母詹夫人最擅此味

吳子華

文桂

以鉞嘉慶庚申所畫溪山春雨便面寄書

壹齋集卷二十八

四

因題

不見吳生已廿年重看畫扇記前緣溪山春雨應如昨為想三

峯一黯然三峯關子華所居嘉慶
辛亥春曾信宿其上

閒中寢輒來山館老去情尤倦友生山抹微雲看更好卻因玉

潤憶冰清子華為巴子安婿子
安下世三十年矣

馮明府

歲

以王翬臨黃子久富春山圖寄贈題以奉懷

卷首王時敏溪山真意八分四字後王愔長歌一首有
石谷丹青天下無之句未潘未坡云丁未冬梅邨自吳
門來出其所摹大癡富春山圖又云石谷
畫不易得梅邨從之游處累月始獲此卷

馮君寄我富春圖出自石谷手所摹首題四字煙客書八分頗

具唐規模稼堂跋尾康熙初梅邨與處日月徂始獲此卷攜歸

吳長歌讚歎王公據謂是丹青天下無紙橫二丈縱尺餘瑩潔

絕無寒具汗流傳疑翁筆簡疏真蹟久化桓元廚破法出緻墨

不枯大異賡鼎空郭郭岡重澗復通樵漁山茨水檻松徑紆
有野老邛竹扶似赴邨社尊酒呼誰爲富陽誰桐廬清暉一例
皆可娛我曾錢唐溯嚴衢泛槩幾度孤篷居躑躅照眼霞光舒
畫眉到耳歌喉如又曾值雪當歲除光搖銀海眇模糊船窗就
買寒罾魚醉倒金華酒幾壺廿年不見空脚躡正如故人隔江
湖武昌執手纔須與金門失候王喬臯乾隆甲辰冬會與君遇於武昌前年君來京師又復往還相左懷人看山百感俱故人適宰山水區君現宰衢四十年不見矣懷人看山百感俱故人適宰山水區之江山縣
寄我此圖有以夫昔游青鬢今白鬢黃塵撲面皺且癯好山無
限幽懷孤掩卷南望惟歛歎

入寤

入寤尋常事連宵入寤奇相看衰病質忽幻少年姿執手若爲
別歡言有所之生天定何處使我涕漣漣

壹齋集卷二十八

五

次韻照齋司農惜驄馬

羨警豈論程長驅直抵京龍媒嘶日影人海沸歡聲事定方知
力功成屹不鳴英姿誰得似趕趕類干城
蜿蜿上雲程知誰控玉京黃金埋駿骨碧玉識蹶聲畫手開生
面詩歌假善鳴至今有生氣擊電記傾城

送陳編修鑾典試浙江

三年席帽甫離身遠睇皇華作使臣惟浙多材掄不易責賢者
備鑒宜真敢期琪樹金歸網但要冰心可照人使署倘過尋再
到爲題叢竹證前塵杭州學使署中有再到亭三十年前
余從先師朱文正公幕中舊游地也

送陳修撰繼昌典試陝西

家世三朝舊科名第一流持衡新寵命建節古秦州鏡影無
私蓄珠光忌暗投聰明復精銳慎莫憚冥搜

講德四人共雄鳴二子先田季高鄂復亭陳玉生及君今年皆課藝於壹齋田鄂例不與試玉生使謂一時盛事文章有聲價職業在專精驛路河汾雁關門華嶽蓮酒邊聽道古期爾小春前

送許編修乃普典試河南

棣華次第詠黃華星使何緣聚一家先是令兄青士桂海虞衡侍御典試廣西

應有志嵩山玉鏡本無瑕五經夙擅時爭譽三秀分榮世更嘉

庚辰與試者僅一甲三人皆蒙簡放我是種芝老園客逢人那得不矜夸

八月十八日夜試院不寐次壁閒明人取士詩韻呈同

事諸公

古屋潭潭夜漏深窗高喜見月華臨不圖三宿來桑下又與羣

英集桂林嘉慶丙子鄉試庚辰會試及今命山石莫教輕獻璞淵

魚端欲靜鉤沈須憐零落研朱字中有殘杯冷炙心

壹齋集卷二十八

六

學海何緣測淺深朱衣誰見暗監臨試觀千古文章事便是當

前得失林勒帛劉幾仍獲雋附書殷羨亦終沉魂清骨冷渾無

寐未忘秋風瑣瓊心

次韻卓京兆秉恬疊辛巳闈中詩韻見贈

遞來篇什重琳瑯次韻坡仙獨擅場夜鯉晨鳧勞饋食朱萸黃

菊正重陽經句紙落雲煙散明日風傳姓字香多恐馬前有懷

巽仗君莫遣從人忙

德清蔡明經壽昌年少多材有終賈之譽鉞主京兆試

失之用東坡送李方叔詩韻作詩二章以自訟

眇者聞鐘以為日周人得璞苦不識煨煌苦惹絢東籬誰解黃

花為正色我覓君文不可得閉戶自繙還自責欲求協律按詩

歌乃反當前失龔德君才浩翰如奔川王楊盧駱爭後前闈風

元圃行看到不乞還丹自得仙

憶昔舟過德清日英氣充閭先暗識不圖二十有八年忽現清光靚顏色遺我瑤編讀未終持衡條有司文責入場私喜挾所有方欲誇張以為德明珠的在深川璇源載折采不前懜懜探梅願終負令人慚媿淳熙仙乾隆乙卯過德清舟中有句云上梅即指君家淳熙老梅也君先有長歌見贈且索書淳熙梅花老屋扁額故云

癸未正月四日同年團拜蔣光祿詳堦次婆字韻作詩

索和

眼中子弟半登科失笑承天似嬾婆庚戌年家子擢大魁者二人在京者皆侍坐記詠霓裳彈指過相憐鶴髮滿頭多移牀就客歌從誤

把琰臨風酒欲波誰是明堂清廟器佇看摘藻續猗那

落鐙日澄懷園直廬偶成

壺齋集卷二十八

七

三年重埽舊巢痕叢竹依然綠映門知被主林神暗笑爾時直伴幾人存

直廬依舊似僧廬一穗香銷一卷書說與闍黎差有別齋廚何肉未全除

程中允

思澤

祁編修

雋藻

初直澄懷園唱酬有作次韻

友朋聚散等循環水石三年此暫閒當日園林窮勝事幾家池館占清灣客來盡作金閨彥我老難回白髮斑賴有新詩賡二

妙相從把酒對西山

何人為我賤刀環窈裏家園廿載閒雲外青山原有宅水邊消夏已成灣野蔬入饌溪毛碧好雨尋春展齒斑歸興無端濃似

酒吟肩不禁聳如山

讀程祁兩君詩乃知班誤押班再次前韻

舍南舍北水周環，退直禽魚態亦閒。邀飲畧同春社聚，買鄰祇隔石橋灣。何人科目俾伊呂，小技文章笑馬班。未敢便爲投老計，惟慚終日面青山。

無求不羨鄭人環，難得浮生半日閒。折簡自知非謝朓，題詩誰解重王灣。芹芽竹筍猶鄉味，文史笙竽若是班。領取一杯歡意足，從君子細說黃山。是日中允治具邀飲

清明日張舍人

祥河

以乃祖文敏公雍正壬子怡園看

花詩卷見贈

張生遺我司寇書，乃是怡園看花作。其年壬子值清明，高會林亭張宴樂。公詩再和凡三篇，顧天成索重書已十年。牽連舊事更番跋，公時歸省顧歸田。座客傳觀手不置，屋角山桃解人意。似憐今日亦清明也，吐新花爲公媿。公書北海詩東坡端莊剛健

壹齋集卷二十八

八

復婀娜，試看紙上龍蛇動。想見尊前慷慨歌，平泉花木憑誰記。賸有唐堂幾行字，根觸同宗同歲人。我亦今年七十四，前輩黃於今九十一。清明七十四天風吹客聚蓬瀛，接席南齋盡後生。歎息怡園芳草沒

澄懷園直廬不到三年矣，竹樹如故海棠作花尤盛。招

春浦季高賞之

種花三載前，看花三載後。就中海棠種最先，一再移根廿年久。南苑五日扈從回，東風一吹爛漫開。書生饑眼獨驚絕，亟招賓客尋尊壘。坐翫行看歡不足，翫觀有人笑捧腹。金張邸第雲錦堆，十里濃香出牆屋。一株能得幾回看，欹倒臨池屋數間。那有長檠照清夜，強搜詩句聚酸寒。我老此生不能佚，花下高歌安可得。雨濕燕支無處無，回首江南但空憶。

三月下旬扈從香山南書房直廬感舊示春浦季高兩編修

扈從來香山稅駕山人家山人空所居納我馬與車中堂屋三楹畫幃橫窗紗樓臺列空際松翠飛檐牙庭前亦光潔盆盎羅鮮葩薛荔綠上牆若榴新有花安牀置羹飯信宿亦足嘉

香山此直廬我曾百日宿直伴閱三人眠食兩間屋自嘉慶辛酉以來廿

有餘年扈從皆宿於此合計之蓋百餘日矣三人謂茲來境地

先後同直者趙謙士秉冲姚秋農文田吳霽人信中分析居非我欲人三文為衆況有同行僕朝餐就兩君舖食慰

我獨夕陽半在山帶緩鞞脫足歡然大三昧且盡杯中醪

直廬舊有桑童童蔭西牆今來失其陰謂為蟲所傷憶昔甚熟

時羣鳥爭來翔啗之或不盡滿地流紫漿門前馬纓花初至如

我長轉瞬二十年高可二丈強相彼木榮枯我胡昧行藏對山

壺齋集卷二十八 九

搔白髮耿耿摧中腸

癸未三月晦日蒙 恩賜軍機大臣南書房翰林 御

園牡丹各二朵恭紀

中使傳呼笑語譁 御園宣賜牡丹花分來鞞玉人雙朵供人

銅餅香滿家沆瀣未晞凝曉露網緼不散擁朝霞寄言直伴須

珍重莫作尋常國色誇

送馮登府 吉士出宰將樂卽題其一勺園圖

佳乎吏也君家風壯夫何必為雕蟲神山風引况已到底須戀

此崑崙宮方今朝廷急循吏八閩郡縣尤繁雄側聞將樂治尙

易格鬥不與漳泉同君家油拳舊出紙此邦製造今猶工我請

卽以紙喻政要以潔白明其衷簾紋灰性固宜斤漿礮罽染皆

人功盪瑕滌垢淨如拭春膏水玉光而融廉方有體更緊密朽

蠶詎敢從中訂政成百幅或可授願乞一角隨郵簡吾衰尚能
作細字為君孺筆書諭蒙畫圖涉趣且姑置未應先擬柴桑翁

癸未仲秋七日

上幸萬壽山玉瀾堂錫宴十五老臣賡歌圖繪以彰盛

事敬和 元韻恭紀

蓬萊宮殿雲中藏雲開日上何滄涼琉璃萬頃曉煙濕瑤林四
面屏風張

聖人萬歲山萬壽與天合德徵自強顧茲黃髮十有五 詔令

侍宴來銀潢唐魏元忠有銀潢宮侍宴詩

天子曰咨汝國老若為稷契為班揚召工一一貌惟肖寵以

睿藻縣周廊小臣聞 命驚且喜九拜踧踖行玉篇助勸

貌備昌禁近廿四載夙夜深媿詢謀臧吾

壹齋集卷二十八

十

皇即事仰繩武香山舊典循

軒黃昔廿七人今過半重許畫筆摹長康六十二年兩遭際乾隆

辛巳 高宗純皇帝舉九老之會分文臣為一班武臣為一班致仕者為一班共二十七人 勅畫院繪圖並 賜游香山

後先暉映承天慶何期蒲柳廁松柏趨走恐後敢或違履道

尚齒皆致仕耆英資聖矜年長集賢奉詔像曾寫是時居易年

方剛白居易為翰林學士時曾奉詔寫晚歲爵齒臣適合香山

居易時以刑部尚書致仕年三十七晚歲爵齒臣適合香山

袖下泉蕃長兼龍驤精神顧盼矍鑠彩服綵繚光華彰廣張

芳筵 賚珍綺宣傳茗椀浮旗槍更孺 天筆錫天壽用勗仁

以為紀綱願合千百十六歲永永無極獻我

皇

茲闡春暉麗萬古並轡百福流滂洋 天顏有喜民氣樂垓埏

歲歲歌豐穰

丹林光祿以余生日用笈字韻作詩見贈次韻答之

面皺頭童竟日科果昏空說似頻婆謬承畫像衰難稱重辱詩

篇媿愈多八月七日蒙恩繪十五老臣像錫宴萬壽山玉潤堂鉞忝與焉詩來齒及慚媿滋甚莫景飛

騰非曙色百川浩翰已秋波惟期一醉謀良夜老圃黃花晚則

那擬約諸同年小聚扈從移居大內已在十月中旬矣

陶中丞嵩勸災蕪湖王太守澤以看花懷人圖索題中

丞賦詩寄示次韻奉答

中丞遣我書一紙開緘讀書蹶然起寫出哀鴻中澤聲落我此

身江縣裏江縣放蕪無計旋流亾滿眼圖誰傳虔州老守乞身

退獨抱寒骨參梅仙餐花索句憂無年懷人不歸心黯然蹉跎

久被梅花笑信宿兼慳主客緣中丞檠戟臨江靜破竈深憐爨

壹齋集卷二十八 十一

煙冷荒政經營賴富公媿我司農但空領噓枯吹生非公難明

年麥飯定堪搏軒車倘過經行處花發江城春不寒

癸未九日扈從靜宜園有旨命悼親王定親王御前

大臣軍機大臣南書房翰林十人從游香山又以臣振

鐻鉞不能騎馬許由平陸步行不必遠涉山徑殊

思異數感激恭紀

西園眺香山晨夕面巖壑層阿鬱深松煙寺隱叢薄譬彼窈窕

姿掩映在紗幕昨朝扈宸游直舍窗櫺拓近前看分明清高

隔寥廓何期語屋山送喜來乾鵲有詔許游歌軒舞樂莫樂

又蒙念衰羸不令騁矍鑠安步以徐行勉學山中鶴老骨淡

深恩珍重養腰腳

九日游香山恭紀

十人步騎判游蹤九日登高 詔許同草木皆香名恰當溪山
無盡畫難工懸洪雨濺琉璃碧絡樹花濃薜荔紅御喜蓬瀛身
已到丹房窈窕曲能通

徐秋山先生自夔州告歸招集陳繼昌修撰許乃普陳

鑿田嵩年編修奉陪小飲卽席賦呈二律

七十歸田禮亦宜笑他平子復奚疑卅年車馬從人役一室琴

尊好自怡脫險喜辭夔子國朗吟閒憩呂仙祠先生自蜀歸道經邯鄲有呂仙

祠詩應憐衰老身難退插腳紅塵沒了期

中車攜幼到茅堂門下門生互捧觴在昔慚爲孟之反於今翻

作魯靈光鉞綱薦名在榜尾先生門下官於朝者僅鉞一人暮年師弟情逾摯舊政諷

歌去未忘宰天長得酒便思勤問字不妨退直趁斜陽

盆中山茶盛開因憶蕪湖楮山下生生園一樹最古余

壹齋集卷二十八 十一

兒時猶及見之今園基人並不能指其處臨江淨寺亦

有一株高丈餘後爲江水所浸沒今不見五十年矣追

念昔游感賦此篇

生生園裏山茶樹樹本輪囷中梁柱兒時大父攜往觀今併園

基不知處臨江淨寺花亦妙寶珠如火光四照試院聯吟曾幾

時管松匡師爲中江山長曾以淨寺山茶歌命題余詩最爲激賞惜爲江潮沒泥淖竭來京輦

買唐花頻年時復見山茶老本縮將供几案溫房深護避風沙

妖紅幾朵開能久歲尾年頭誰與偶借得山梅一瓣香消我嚴

寒幾杯酒一回相對一傷神那能不憶江南春五十年前花在

眼可憐已屬寢中身

京師米貴民食爲艱帝有掘野菜鬻爲盤餐者感歎成

此

長腰狼戾付中廚那計翳桑有餓夫我比太倉鼠尤碩歲糜三百斛明珠

苦茶甘薺綠潛滋無數哀鴻待瘵飢寄語菜傭休掘取今年此味不須知

二月二十日扈從南苑卽事

扈從春蒐後屬車西園南苑路非賒綴枝未見飛紅糝點地俄驚有玉沙是日微雪獵騎驕嘶鳴得意歸鴻緩度樂還家煙寒霧斂旌門近十里長楊一道斜

子卿太守自贛州歸葺湖上廢園為張于湖祠仍榜其堂曰歸去來賦詩見示嗣聞其應紫陽山長之聘惜不能常此安居也作此寄之

仙人舊築無何有太守新營歸去來風軟湖亭溪鷓下雨晴僧

壹齋集卷二十八 三

院海棠開園蔬最憶雞腔筍家釀誰傾卯幕杯多謝池臺為虛

左白頭神往亦悠哉子卿名其園曰希右園東偏舊有左園近亦求售來書云欲畱以待余

歸田已遂藍田隱宦海翻成黃海游四面雲山應好在卅年朋舊具存不漁梁春水誰呼渡蓴菜秋風欲買舟遲我小園來作賦移桐壘石且淹畱

三月十三日奉 詔芳碧叢看玉蘭分體應 制

退 仗傳宣 禁籞來松陰竹徑路縈回三株琪樹干雲上萬朵瓊葩映日開香和金鑪煙篆細光凝瑤砌雪華皚無邊春色誰摹寫媿乏鄒枚作賦才

色如碧玉氣如蘭搓粉凝酥秀可餐種向蓬壺稱高潔開先桃李耐春寒百年雨露蟠根久一幘徐黃落墨難須識樹人如樹木莫孤 恩許近臣看

園居漫興

池柳含煙色尚輕園居條已過清明巢成樹罅芻尼隱水暝橋
陰科斗行退直懶從閒客話答書老忘後生名龍鍾枉被青山
笑縱有田歸不耐耕

臥佛寺

殘月淡無影雞鳴天欲曙深谷藏招提一徑入雲路古柏森兩
行清香發朝露我佛疲津梁頗識臥中趣應憐塵世勞半為黃
梁誤風旛裊鑪煙散入杪羅樹

園居初夏

水竹三分屋官私兩部蛙園林忽初夏歲月此浮家麥好頻占
雨風狂更挾沙白頭都白盡底用祝蒼華

欲續河渠志當稽貨殖書金錢誠不惜潢潦孰為除築室謀夫
壹齋集卷二十八

易多言政事疏澤鴻方

軫念努力莫攸居

足民

寫端陽節物

富民

作江鄉五日禩憶詩十首命題

其上書三絕句

簫鼓中流泛畫船繁華不復似當年也知歸去渾無賴寫出鄉
風卻可憐

爛煮鮓魚炙子鶯尊前盤饌互駢羅而今亦頗饒滋味爭奈衰
顏不肯陀

階庭蘭玉本難期解弄柔豪便不癡但媿傳家無長物一枝畫
筆幾篇詩

晨餐

朝光晃林薄眾綠凝夏寒微風入疎櫺逼我衣裳單撫時當暄

妍何由怯羅紈新荷出水遲紅藥翻階殘中田麥青青千邨忍
飢看媿我不耕食居然又晨餐

晨餐亦已飢鼓腹行中庭庭中宋無人無由知郊垌哀鴻方噉
噉側耳誰爲聽退食家有園高樹圍深青鶯鶯厭嘉穀僮奴飽
侯鯖徘徊復徘徊汗出顏爲積

池上襍興

掃石臨池坐迎涼送落暉近人花先去折高樹鳥爭依響澀蟬
新蛻行徐鷺息機清談擅名理誰是謝宏微

雲際禽投囿以淵潛魚中又觸機猶不免甘餌復何嗟露瀉
蓮衣淨風過柳綫斜舉頭見新月水木更清華

古柏若老衲新篁如少年自饒瀟灑致能結歲寒緣遠客慵非
傲耽書老亦捐平生愛閒靜不是性情偏

壹齋集卷二十八

五

樹啄巧攻蝨池龍怒作聲大都貪所得豈有假之鳴俗累羣情
擾心空百趣生鋪牀涼意足高枕寢魂清

太和宮瓦研歌

秋山先生見遺

太和山高峯巒尊爲太嶽自永樂上有二十七峯三十六巖二
十四澗壑下有滄浪之水清且漪北流瀲灩繞山脚廟祀元武
七星爲真君宮殿岩堯光煜燦不知何時墮片瓦矜奇獲自好
事者鐫鏡凹凸製爲研墨瀋淋漓恣揮寫御惜流傳不逢嘉靖
年用草青祠助嚴夏吾師脫贈俾臨池摩挲一再興嗟咨既不
能濡染大筆作天篆又不能橫飛丹墨充符師祈請上帝年穀
熟風雨時訟獄哀息民無疵滿頭白髮兩目眇頽然一安形支
離有時心孔開描模山水姿有時直休暇雕鐫成小詩端溪數
寸足安用盈尺大研爲矧茲瓦厯歲五百地位清高絕人跡靈

風神雨久漸濡土蝕苔皴發光澤天陰雨濕生煙雲尋常敢近
中書君好蓄榴皮濡醉墨遲彼朗吟飛過之仙人

南武奉祠圖

侯官李鴻瑞宰新陽有惠政歿而崑新之民共立祠於

上山祀之其詞彥彬彥章繪圖乞詩歌以美之

兩漢循吏十有七立祠祭祀纔五人絃歌而薦已寥落況合兩
邑爭明禮李侯所益交愛親奉嘗惟謹為崑新崑新治伊何慈
明政不頗訟牒立剖除煩苛獄無冤濫民氣和民病蘇侯病甚
病劇猶言治未竟星餐露宿吳松江瘦骨何堪秋暑橫方今東
南水利興理水何人得水性開通漚瀆達三江安得起侯再為
政嗚呼安得起侯再為政李著有吳中田賦君不見崑新之民
頌侯德送者千人路為塞如此好官難再得又不見大兒翰林

壹齋集卷二十八 共

公小兒中書君孝曾閔才淵雲連年取科第祠下椒蘭芬侯有
後民歡欣賢哉賢哉歌雁門我作此詩一笑侯應聞

陶中丞嶺奏靈璧縣馬山湖蝗子萌生湖大水深不可

撲滅縣令黃光裕雇鴨四千隻啜食悉盡宿州灰古堆

亦多蝗孽州牧蘇元璐馳往惟見青蛙無數吞食靡遺

不假人力又懷遠縣西界有鳥數萬啄飛蝗一日而盡

先是中丞率屬禱於劉猛將軍廟故有此異

上覽奏嘉悅親書神參秉畀扁額俾懸於廟以答神貺

鉞忝鄉人爰作樂府二章以當神祠迎送之曲

啜啜復啜啜湖孺四千鴨四千鴨何來縣君雇以充輿儻馬山
湖中有蝗子朝生暮生不已半在湖中半泥滓足亦不能為
之駐朴亦不能為之弭縣君惟曰鴨可使啜啜復啜啜湖孺淨

如洗我願有此鴨勿令供刀匕縱之江湖中俛食天下之蝗子
有貓有虎胡媿彼

青蛙來聲兮喧野鳥集鶩若煙鳳穎之閒蝗出土五日不滅生
翅鼓蛙閣閣鳥喙啗吞之啄之一朝夕微神之力胡及焉將軍
主之宋無言將軍宋無言中丞禱孔虔惟神能弭患惟神錫豐
年微神之力胡及焉中丞上其事

天子顏有喜孺梁大筆榜其字自今以始歲其有君不見蟲鳥
效靈有如此

八月十三日命少民歸蕪湖

新治城南宅一廛爲圖寄我亦欣然小園欹側八九丈此屋辛
勤三十年列架要容書萬卷拓窗須對月當天呼兒料理急歸
太早晚江船會有緣

壹齋集卷二十八

七

嘉慶己卯秋蘭陽儀封之閒河決有少婦赤身抱兒隨

中流下絰樹而止儀睢丞吳

茂楠

合健卒擲衣拯之婦

不顧抱兒復自沈時文太宰

孚

以刑侍督挑引河作詩

紀其事閱六年道光甲申出稿見示讀而哀之爲賦此
詩

誰謂河水濁不能清我心誰謂河水廣不足當我襟我襟河伯
褫我心河伯臨相彼鳥有羽乃得棲高林相彼魚有鱗始免泥
沙侵吁嗟裸露生曷若隨波沈全家沒洪濤獨活情何任懷中
呱呱兒激蕩聲已瘖姑章幸不遙翻身相追尋龍堂倘相見猶
愈商與參傷哉此潔婦永作女史箴感歎磨此詩淚下難爲禁

送葉廉訪

紹本

之任粵西

羨君此去勝鸞鸞道出衡湘洗眼看桂嶺雲開花爛漫珠江秋

淨月團樂卅年舊隸神仙籍萬里新裁獬廌冠遙想邊民咸向
化時平耕鑿久相安

祁學使

雋藻

自承順寄贈溪州銅柱記揚本用昌黎石

鼓歌韻作歌報之

祁生寄我銅柱記並示所作銅柱歌竹垞跋本不可見流傳知
復藏誰何諛辭駢體書無法工鑄豈解工虞戈是時馬氏奉晉
朔憑仗大劍能橫磨溪州諸蠻不量力牂牁象郡罹矰羅居然
開府學貞觀十八學士弑冠我就中宏臯彼燕許勒銘立柱埋
巖阿上攀忠成作烈祖下恃武穆靈護呵王者之師不血刃夜
郎自大相欺訛殷老昏耄已不振妖蟆多子皆爲蝥希範奢淫
希廣懦希夢之性如蛟蠹獍子咋人大霧塞衆駒爭棧維枯柯
桓文之業坐自棄傳國三世如森梭當年倘其復唐祚蠻夷不

壹齋集卷二十八

六

失爲臣佗洞庭雖大竟飲馬九龍殿祇藏姪娥高丁不生拓跋
廢那禁涕泗交湧沲茲銘士愁乞歸順飲血設誓方求和本州
賦租許供瞻但能恭順無徭科皇天后土指爲證戰功亦自矜
爲多沅湘之閒俗尙鬼卻異秦詛欺亞駝可憐蠻觸互爭地朝
晉暮漢匆匆過那知堅屹不壤詎比骨角堪刮磋煌煌信誓
文未滅武陵誘賊興鯨波異哉師杲卽蠻子瞋目叱賊如廉頗
異人歸明轉不肯操戈兄弟誠非他鈍夫可笑亦可憫不除不
遜何媿嬰欲比馬人畱不得惟餘銅柱供摩挲祁生視學到沅
澧暇取金石閒披哦健筆匪惟勝鸚鵡文陣直欲陵鶴鷺蠻荒
遺蹟費搜討沉浸雅頌陳猗那願招諸生論道德上繼白鹿師
尼軻相思二載不得面魚書時復羈山河江郎才竭況衰老賦

詩遠報仍蹉跎

道光三年秋元氏縣邨農掘地得唐建中二年賈夫人墓誌末有後一千三百年爲劉黃頭所發十一字與掘者姓名適合攷建中二年辛酉至今道光三年癸未僅一千四十六年數稍不符然術亦奇矣今清河道陶樑任眞定太守時拓得數本分寄都下爲賦此詩

道光三年秋七月元氏縣民力耕墜舉鋤得石方尺五目不知書況碑碣碣上縱橫若有文里儒傳觀詫異聞淨洗苔花辨波磔知爲唐瘞賈夫人夫人諱嬪適於李李尉宣州死無子大歸從弟歿縣舍從子爲銘誌終始千卅六年藏諸幽墓久犁盡爲平疇阿誰術比京郭儻預知發者劉黃頭黃頭拊掌作癡語何事我名先人土區區片石復何好重費諸君指畫肚鎮州太守好事者椎拓題封致日下墨池要令續新編魚書不憚分明寫

壹齋集卷二十八 九

我聞此事未足奇二王墨妙已有之曹娥當墮江中日保母先知出土時乃知世事皆前定鍾君著錄安能盡唐鍾輅有儒生前定錄信理不信數索隱何須極幽夤笑他碑攷徒硜硜妄冀流傳刻鑿評爭似耕夫不識字卻有千秋身後名

題顧少司農阜水竹柴門圖

略徇柴門一徑分簷簷滿谷綠如雲平泉多少名花木畢竟風流讓此君

交柯亂葉莽縱橫湖月林風相對清怪底先生工墨妙韞材今

復聚彭城顧善畫竹

歸聽秋聲亦大難爲圖聊復畫中看荷鋤何日從君後乞我琅

玕三兩竿

放翁己未歲暮詩七十六年將到時余明年正七十有

六因用其句賦詩三首

七十六年將到時面皮雖老未衰羸登盤乾肉齒能決倚壁枯
藤手不持貪買殘書如鬥草廣儲名藥當求醫直歸火急尋娛
樂頗類邨僮放學遲

七十六年將到時幾人曾見壽期頤等閒白髮從誰惜叵耐青
山不我思廢學老難忘炳燭近名性尚愛吟詩冬來腰脚還堪
詫行步如飛亦自奇

七十六年將到時祇生歡喜不生悲蒼黃濃瀉女兒酒瓠白肥
蒸果子狸左右唐花任紅紫尋常鄉味總精奇劇憐歸念如彊
弩一觸機張括便馳

賞塗 黃 鉞 左田

古今體詩五十三首乙酉丙戌

送齊嘉紹同年觀察江西鹽法次婆字韻

道出潯陽秧綠科江亭且莫問
鬢髮百花樓閣參差見五老煙
雲供養多大好看山閒拄笏
何妨點筆賸熬波惟餘落落齊年
友又唱騷歌意則那

燕郊至南苑曉行輿中作

睡醒曹騰見曉霞忽聞雞犬近
山家沙平路熟輿丁健柳細風
柔燕子斜春網薦新來石首野
蔬供饌有椿芽瓊廬依舊橋邊
駐又聽官私兩部蛙

次韻姚總憲文田過訪西園直廬未遇雷詩海棠花下

壹齋集卷二十九

海棠花看半開宜孤負珊瑚七尺枝
忽漫風前逞豐豔高軒有
客過題詩

決去偏多未了緣樹猶如此一悽然
劇憐池北移栽後又伴閒

房十五年嘉慶壬戌種於池北寓廬辛未
移此及今道光乙酉十五年矣

轉眼飛英委逝波底須燒燭倩銅荷
先生莫為巢痕惜不見豪

家花樹多姚舊寓亦在池北
花竹亦漸凋零

卽事

今年麥稔雨暘宜已到腰鎌刈熟時
退食正堪供連展清談不
耐撒胡葵智同樹米言殊鑿
寢想乘槎志卻奇坐我綠陰纔半
日未煩蛙鼓鬧溪池

送陳編修鑾出守松江

吳松古澤國通五湖三江海復在東南
賈舶凌濤瀧百貨之所

聚四方爭牽扛吉貝走天下夜績凝幽鉅居民擅美利蔚然爲
大邦前年興水利金錢費封椿今年議海運從違半紛嗟澤農
苦淤墊何以教耕糗運夫罷飛輓何以安愚蠢聚既成市虎散
豈無邨龙是在守賢勞庶幾俗敦龐江南君昔游廿載隨磨幢
君昔佐制軍百公菊溪幕此去專城居定使羣心降利病久在胸智能況無
雙巨鐘聲鏗轟不待寸莛撞我歸約冬初暇或搖吳艘尊鱸到
處足酒熟傾春缸三泖九峯閒期君醉篷窗

八月九日夜寢行金陵道中作詩一首醒而錄之

一壺邨酒醉江灣百里曹騰睡寢閱馬上清風忽吹醒眼中已
見太平山

十月廿七日引年陳乞致仕未蒙 俞允寄子卿

衰遲慚媿說歸田孤奉 明恩廿六年敢以泥沙視官職乃知

壹齋集卷二十九

二

去住有因緣坡平馬駿仍羈足風利帆懸卻纜船枉被圖書笑

潦倒賺他先到草堂邊

本月二日已將書籍盡藏南去

禁園晨開劾自投面陳復荷 玉音雷溪漸絲粟皆

君賜未有纖豪爲 國謀易退不如堂上鶴相親誰似水中鷗

定知花下懷人客幾度支筇上識舟

識舟亭在蕪湖江上

題槎河山莊圖

山莊爲劉文正公讀書處

家世繼韋平山莊竹樹清平泉無異卉獨樂有書城接武南
齋後高名北斗傾百年圖畫在仰止企勞成

圖爲康熙辛卯唐代畫麓臺有題跋

丙戌正月四日同年團拜次婆字韻

牆桑門柳老須科吹送歸舟待孟婆乞退已慚章再上酬 恩

惟恨日無多書先去客圖中餞

去歲十月二日盡載書籍南心歸張舍人祥河爲繪餞書圖

逐于湖寢裏波惜別肯無同舍念日知分過奈伊那

上元雪夜招張舍人祥河田編修 嵩年 集食筍齋翼日

舍人用歐陽公穎川禁體詩韻見贈次韻答之

君才如花初吐蕊怒發橫生豔叢薄纔廣霽雪清尊篇盧南石前輩有

霽雪清尊圖用歐陽公禁體詩韻題之張頌有和作又遺元夕西園作是時盼雪喜得雪

凝曜華鏡照清廓爆竹轟雷耳欲聾火樹燒空日為爍我從

禁禦侍宴歸暮雪貂裘正紛落為畱張籍住廳食不覺談諧驅

睡貉步兵有酒且其傾韓愈無金不煩攬門前休笑可張羅如

此清寒安得雀試尋履跡認來蹤但賸君家兩椽屨比鄰幸復

有田何令節為歡亦云樂酒餘可惜侍無人煎茶誰掃風鏽淪

坐看萬瓦合漫汗遙想飛沙迷朔漠惟虞攻險遞新詩白戰無

人工遊槩老夫老矣退三舍敢望親交獻諛喙

題商邱宋氏華山碑藏本為劉郎中喜海作

壹齋集卷二十九 三

華山碑擗世三紙有如三國三諸葛商邱宋氏得其龍鱗甲具

存神采活四明閣天一華陰史本山實吳魏但為隆中名少過子瑜

公休亦人豪未可登本而捐末我年弱冠來京師華陰之本先

見之初為東郭所藏弄繼傳山史流於黟王山史本初為關中

伯又歸王山史朱竹君師視學安徽得之於東肇商所藏歸郭允

為做石鼓昌黎詩後三十年目重寓合弁卻為懷仁序同是松

談閣中物百九十年偶一聚嘉慶庚午鉞視學山西素孟蟾方

談閣所藏適朱公子錫庚官於晉借而合觀之蓋二榻相離百九十年矣爾時此榻聞未見結網空

有臨川羨不圖衰老日眇昏快靚廬山本來面唐題宋榻辨紛

紘郭香香察何斷斷試看翠墨黝如玉似有濃香著意薰吁嗟

乎石墨過眼真煙雲三朝已易三主人乾隆癸丑歸陳宗丞崇

道光乙酉歸君倘不惜錢千緡曷不賺取三紙其裝肖合華邴

管爲一身世間快事皆心造會有神明暗相報歐陽集古物所聚葉公好龍乃真好

題少谷山人詩蹟墨蹟爲陳大司寇若霖作

望氣知病深不在覺痛際餅凍知天寒奚俟風雪厲達人明先幾孤憤欲援世天人象已顯天人象已顯巖廊計須熟少谷冊中句耳目敢自蔽正德比天寶般游歲無計少谷儷少陵身世非一例西巡逼羯胡南巡徇便嬖三輔血成川強欲一葦濟伏闕朝上疏予杖夕告斃九死得一生拂衣遂東逝言者心之聲那禁發感涕知人不論世何異夢且寤此冊公手書詩蹟相附麗懷友識性情閱俗歎凋傲貧女詩八章行藏之左契書法乃其餘亦自工散隸時於波磔間具有羲獻勢司寇公鄉人弄藏謹編綴示我逾冬春數觀不敢題公孫曰大觀與我同登第遺集謀重葺其子亦

壹齋集卷二十九

四

賢裔鄭明府大觀公裔孫鉞庚戌同年進士其子炳文近刻公集乞鉞序至今未報寓書乞我序諾之

已經歲昏眊老無文把筆媿淹滯安得公起衰藥我以良劑

城南龍樹院新葺小閣曰兼葭二月廿五日張祥河舍

人董基誠管通羣農部徐思荃比部招飲其上舍人有

詩次韻

招提門繞碧嶙峋小閣居然可望春補種孺槐纔厲爪院舊有龍爪槐

最古俗卽以名其寺今古槐已枯補種者高未及丈揚誠齋詩耄柳已曾何再髮孺槐纔爪可遲梳新鋪嫩水漸

生鱗一壺且盡杯中綠三斗全消面上塵好共流連惜光景兼

葭爲證去來因

書長沙鐵佛寺淳化鐵幢搨本後幢在鐵佛寺塔內長一丈四尺徑圍尺有

七寸爲宋淳化元年庚寅潭州管内觀察判官李思明發心鑄寫於塔進上董護書開福寺沙門道崧鑄經李昇鐫字文共

七百六十

長沙鐵佛寺塔腹藏鐵幢其高丈四尺力士不可扛淳化改元歲在庚發心鑄經李思明書者進士董護名李昇鐫刻何其精金石著錄有歐趙每苦石多而金少溪州銅柱文不全捫搦紙本讀粗了此書似學柳誠懸元祕風規略可傳金堅邢比玉温潤尋常難覓良工鑄宋初距唐僅百載褚虞歐薛常目在不似今人薄古人家雜野鶯隨時愛是時祕閣方鼎新點勘圖書聚典墳惜哉聞卻書生手卻爲浮屠寫梵文

廣東舉人陸雲從年百三歲來應會試 恩賜國子監

司業銜恭紀

何肉周妻自得仙醫方不用集甄權

唐書方技傳甄權以母病集醫方得其旨趣至貞觀

中一百三歲太宗幸其家訪以藥性中朝我已頽唐甚尚少

去先生三十年

余今年尚書穆公長余七歲

壹齋集卷二十九

五

百年拜爵尋常事未見青衿入學初

陸百歲外始入學

料得升沈推不

到從今欲廢五行書

國子先生德望隆冰銜

錫予稱仙風故應王李推前輩諸老

殊科未許同

乾隆庚寅浙江遂昌訓導王世芳年百有十二歲詔賜國子監司業銜在籍食俸辛卯江西興安縣舉人李煒年百歲來應會試特賜國子監司業銜並親製詩章以彰盛事

題張文敏公照蓮池泛舟遺像

天章曾列五詞臣書法羲之後一人

恭本高宗聖製

寶笈屢窺龍

象蹟扁舟忽現水雲身詩成合並蓮花妙地僻應連墨沼鄰

我朱絲真晚輩也循履跡步芳塵

書補刻姜白石巢湖神姥祠後

姜白石泛巢湖聞簫鼓聲問之舟師云居人爲此湖神

有序

姥壽因祝曰得一席風徑至居巢當以平韻滿江紅爲

姥壽因祝曰得一席風徑至居巢當以平韻滿江紅爲

姥壽因祝曰得一席風徑至居巢當以平韻滿江紅爲

迎送神曲言訖風與筆俱駛頃刻而成後過祠下刻之
柱間集中所載如此乾隆乙卯巢縣葛秀才桂丹游蕪

湖鈔詢其柱刻存否則無有知其事者白石詞曲書法

爲南宋名家合其詞刻尚在可稱二妙乃錄其詞以贈

葛君並識其後冀好事者補刻焉閱三十二年道光丙

戌唐家探以選拔生貢京師出示搨本則縣人錢懋道

李鍼等已於嘉慶戊寅重書刻石嵌諸祠壁矣蓋葛君

歸自蕪湖不數年物故鍼手錄詞稿爲錢君所藏李君

輩乃謀刻之始於鍼之一言輒轉二十餘年錢李諸君

乃能成之刻後又九年鍼始獲見其搨本亦可感也錢

君與先兄補之有舊刻石時自署年七十有六計今當

八十有五長先兄一歲而先兄下世二十一年矣悲夫

壹齋集卷二十九

六

書四絕句以報錢李諸君

靈旗飄動片帆通博得新詞絕世工孤負江神無以報當年辛
苦馬當風

湖中簫鼓歲時聞祠內神弦久積塵未免被他諸娣笑堯章過
後宋無人

未忘醜蔑一言初精砥瓊瑤子細書不謂葛疆翻不見一彈指
頃卅年餘

殘箋何幸弄錢郎更感交情敘雁行歎息風流今已盡水雲南
望總悽涼

余年十七曾寫松石閒小像及今六十年矣故我今吾

恍如隔世因倩孫君紹新合寫之取楞嚴經佛告波斯

匿王觀河面皺之說自補爲圖非徒童耄之感藉悟生

滅之旨耳

老媿無因再少妍，卽令自憶也。茫然何時會，合恆河上一笑相逢六十年。

面皺須知心不皺，心童何必貌還童。若教參悟楞嚴旨，故我今吾一例同。

頃得紫端石研竹筆筒，簪筆洗皆前朝物也。春浦用坡

公仇池石詩韻作詩見贈

我有石友三，最上南唐綠。比年以來得南唐綠石，東井研米襄陽風字大研陸包山龍池研皆精妙

因名其齋曰三石友餘研亦宋明，柰何貪不足。或攜紫雲腴，剝自南山腹。

松煙掩積霞，時見魚尾蹙。平生蓄文房，貪多類農牧。管城欲分

封墨沼，配靈瀆。筆筒竹者大小凡紛陳几案間，塊視金玉終六筆洗簪者凡四

知非我有聚，散相倚伏楚弓。而楚得何待百年，卜祁君貺新篇。

壹齋集卷二十九 七

意我何逐逐，我歸會有期。深恐委坑谷，在我猶在人。取攜隨所

欲，長物直幾何。奚足雷心曲，虛舟一葉輕。惟虞去不速。

送陳繼昌修撰出守竟州

狀頭肇自唐三元，盛於宋非爲科目。榮要以功名重，唐士多跡

弛不足。副梁棟，關節求巍峩。面與主司閱，宋興富人材。王馮實

麟鳳，志不在温飽。片語已驚衆，起家僅判司。未聞不次用，明試

書所云斯道古今共。

古稱二千石，天子資治理。龔黃召信臣，是在人爲耳。百姓苦顛

連，引咎務歸己。屬吏蹈貪汙，媿屬使知恥。君先文恭公，功業在

國史。從政法遺規，卽是好孫子。入爲香案吏，出官聖人里。堂

堂太守公實維。

天子使三元，三春花一時。榮則已，德化入人心。千秋所褒美。

吾門多英才惟君最端謹有無不言錢臧否不挂吻文章苦用心
懶學崔侯敏談諧少激昂恐涉韓生憤人皆笑君木同年皆以木戲
之我喜與仁近七年肩相隨一夕車發軔我老見何時別淚不
可忍聞木樨香未行矣吾無隱

九日閒居再次吳文定文温州九日唱和用潘邠老滿

城風雨近重陽首句詩韻

滿城風雨近重陽一月蹒跚未下堂昇轎折翬堪失笑安心是

藥喜親嘗先是八月六日直歸輿夫脫肩致翬震閃請假未愈九月二日疏請解職得旨命允並奉安心調理

論閒臨蔡帖菱剛紫檢點徐方栗正黃折翬菱見蔡端明帖唐藝文志有徐叔鸞脚羽

方一卷本草栗生食治翬脚不遂佳節喧妍吟思澀又將舊句借潘郎

滿城風雨近重陽解職閒居憶草堂爲樂及時猶恨晚功成身

退亦何嘗逢人定訝頭多白後輩知誰眼最黃莫詫老夫曾衣

壹齋集卷二十九 八

錦依然前度一劉郎

滿城風雨近重陽待放還鄉暫處堂此日井甘容易竭當時瞻

苦也曾嘗竹如雷客涼逾碧花不因人熱便黃獨有廿年晨夕

共就中難別是田郎謂季高編修

秋山先生以鈹疏請解職枉顧寓廬賸此誌別

冊載師生悵各天晚教相聚 禁城偏憶從落拓登科日目及

龍鍾致仕年不雨雲慚空出岫得歸鴻喜未驚弦惟愁立雪門

前路別夢依稀倍黯然

子卿次前韻見寄和答

元龍自昔鄙求田陶令歸來況暮年甕酒儻能供客醉籃輿且

結看花緣回翔我似隨陽雁安穩君如入夾船湖水一杯山一

簣清暉隱約在吟邊

垂老青山宅未投劇憐神往尙形畱囊裝陸賈殊難給肉食曾
元或易謀舊廩聚書空噪雀新亭得句好盟鷗屋後有空舍兒
輩近改爲書舍
君園在湖上成行翻借輿人助敢爲虛船怒觸舟

書李義山詩集後

自哂成書篋李升沈嘆井泥含情俱有託虞語半無題劉恨誰
爲訴温名未許齊平生坐鉤黨擇木肯卑棲

蔣礪堂相國於乾隆戊戌入學時年十歲所納卷餘字
號浮籤尚在裝背於冊屬題距道光丙戌四十八年矣

納卷公堂就傳年鄴侯仙骨已珊珊天教畱得浮籤在要與朱
文錄並傳朱文公文信國題
名小錄至今畱傳

想見風檐戰藝酣孤羆傲兀視眈眈從今餘號徵新事合共圓
殆鼎足二蘇策賢良所編號乃國殆二字見司馬温公傳家
集國音真見類篇殆字不見以諸聲例之臆讀爲

壹齋集卷二十九 九

自昔任延號聖童于今已作黑頭公請看方寸琅玕紙中有

三朝雨露融

四十登科亦幸哉龍鍾始得賦歸來對公未免慚惶甚仍是當
年鈍秀才

南歸瓜州渡江作

烏帽黃塵卅載畱眼明今始見瓜州白頭竟有歸來日一笑長
江萬里流

宿長干寺僧舍乾隆年間省試屢寓於此戊申獲傳
後不復再至今老僧化去三年矣

鈴語吟風入夜清齋寮曾共老僧聽回思四十年前事也算黃
梁一夢醒

十二月十三日子卿招飲希右園再次前韻

到家臘鼓正田田初七日風景依然似昔年老穉聚觀無舊識

溪山重對有前緣抵舍餞書笑我空連軫釣何人早泊船時以罷

題從此往來成二老柴荆莫問阿誰邊

比歲詩筒互報投歸蹤苦被輒紅畱名園有分終能到斗酒無

人孰與謀知止何曾能鑿水真閒畢竟讓浮鷗巨川濟了虛無

用同是天涯不繫舟

次韻鄧中丞廷楨以鉞

予告歸里賦寄長律二首

乞章三上許歸農回首春明記在公共詡恩深真有負自

慚身退了無功未應答簪隨聲叟只合江湖作長翁何幸瑤華

能惠我發函不啻笑言同

家世南陽漢重臣山川環抱啟巖闈

帝資江左為霖兩人仰天南蔭大椿豈獨威名能邁古卽論詩

筆亦如神請看三白徵豐歲定荷新恩下玉宸

題子卿罷釣圖

一飯菰蘆繪有餘未須戢戢羨盈車收綸恐被東坡笑走海何

曾得大魚

約子卿蘭泉餞歲三次前韻

一夕瓊靈蓋麥田行看翠浪舞明年未煩家食營生計好合朋

簪續舊緣淨洗瓦鐙參肉頰東坡煮豬肉頰淨洗鐙少著水柴

請子卿喫豬頭故云滿斟藥玉泛觥船黃金難買還家樂醉倒何妨畢甕

邊寒林倦鳥暮爭投赴壑修蛇挽不畱此日光陰真足惜未來心

事不須謀夢醒那記隍中鹿機息渾忘海上鷗便欲與君尋謝

眺開正先買近游舟青山近在百

贈邵蘭泉世滋四次前韻

青門賸有種瓜田不問豐年與儉年破屋數間分客住清琴一曲信天緣游慵就婦謀藏酒蘭泉善彈琴不能飲窮不呼奴縛送船聞道

山茶花出屋開時容我到林邊

名紙生毛底處投林風湖月儘句畱淵明乞食由來拙愚叟移

山枉聚謀瀟灑詩堪擊壤清癯身本似閒鷗瘦於黃鸝閒於鷗吳梅村畫中

九友詠邵僧彌句筆牀茶竈君能辦誰遣江湖一葉舟

壹齋集卷二十九

十一



[Faded vertical text columns, likely bleed-through from the reverse side of the page.]

壹齋集卷三十

賞塗 黃 鉞 左田

古今體詩五十三首 丁亥

丁亥正月二日人海歸航試筆五次前韻

筆爲鉏耒紙爲田記取還鄉第一年鴉散馬喧醒舊夢香濃炭
孰換新緣吟思退澀搏風鷁老境飛騰下瀨船徙倚軒庭無箇
事看營巢鷓曲欄邊

不解憑陵縱博投爲憐韶景去難畱載書歸架心差慰種竹成
園智可謀俸給青田貧病鶴波深碧海養閒鷗來朝又赴湖亭
約煩洗東坡兩玉舟 子卿招飲希右園賓主僅二人

四日飲希右園六次前韻

誰捐百畝屋旁田一夕爲湖七百年在昔園林窮勝事於今花
月說來緣空教香火畱祠宇可惜煙波少釣舩賴有羲之恣陶

壹齋集卷三十

寫時將絲竹水雲邊
藏醞澄清勝九投一尊淡謝爲余畱 時出藏酒飲余云待五六年矣銜杯已覺

先春醉獲句多因適野謀翠黛記曾畱五馬碧波近喜竝雙鷗
但須家有裴王集未要人誇李郭舟

立春日子卿過飲人海歸航七次前韻

底須苑沼互駢田滿屋圖書足永年慙遭清歌聊作達怡逢勝
日亦良緣一尊重把論文酒十載空懷憶戴舩生菜辛盤容易
醉莫孤新月竹窗邊

意氣由來膠漆投神明不隔荷天畱逢場傀儡看何礙負郭田
園老不謀白玉可憐空抵鷓黃塵差幸未汗鷗春來江縣花如
海或命中車或擢舟

晦日圓照寺看梅次前韻

將明未明觀窗紙苦恨家童呼不起攬衣春氣漸和柔猛憶梅花蕭寺裏我徂京師卅載旋行年已過老而傳訪舊凋殘絕流輩丈人行祇推梅仙梅仙知老不知年湖波漾碧山蒼然看花又到懷人處杯酒重歡有宿緣孤根蟠屈禪堂靜曲徑無人石苔冷繁枝密蕊恣橫斜不受東風自管領芳辰彥會古所難莫教到手等沙搏來朝試訪平山樹知閱人間幾歲寒間縣南平山有古

梅一株相傳為南唐時樹

出蕪湖南門渡浮橋東南行十里而近曰平山古

梅一株高丈餘圍八尺有奇相傳為南唐時樹百餘年

來邑之賢士大夫未有能道者歛許靜夫仁物色得之

其子文深子卿孫塔也道光七年二月五日招同子卿

壺齋集卷三十 二

蘭泉往觀焉翼日命四兒足民為圖用東坡李公擇梅

花韻題之

南郊有古梅萬牛挽不動孤高畏人知義不辱翫弄韜華近千

年飽歷冰雪凍甄藻自子將香名一朝闕豈惟驚樵牧亦且枉

車從山寒花簡疎天闕枝蹇縱坐使鐵佛慚不敢相伯仲我聞

山木生菁華地靈貞或因種者傳致增後人重豐山杜默花春

禽至今哢醉翁滁州植屢入詩人諷嘆惜根已枯撫摩有餘痛

惟茲棄荒野苔繡土淡雍石湖譜未經師雄所不夢相傳自南

唐網識誰者種近城十里遙肩輿謝鞭鞞鄉人爭聚觀我與梅

花共安得廣平心一吐揚雄鳳伐竹縛茅亭好事屬許洞謂小

花時倘再來更載酒一甕

食筍齋燈懷園余所居直舍也祁編修篤藻移居於此

賦詩寄懷次韻

凋年急景逾飛箭東風吹綻南枝朵魚肥酒醞不歸來往者淹
畱計眞左未煩看煞擬東坡略似陳遵誤驚坐夢中時復見朋
儔衣上醒猶畱堀堞忽枉新詩述舊巢爲說遷居易移舸齋前
叢竹尙青蔥日午搖窗金碎瑣已看過母昨歲能定知食筭今
年果蝨簡從茲有替人回頭何必看甌墮他時成谷號箕當更
寫新圖報老可衰年再到恐無期能得日輪幾轉輾不惜臨風
噴嚏頻多謝諸君能道我

伏齋玉蘭盛開借昌黎感春詩首句成詩二篇玉蘭蓋
古之迎春茗溪漁隱以爲卽辛夷也

辛夷高花最先開枝枝擎出白玉杯朝光散射目爲眩琮璵舞
鶴盤空來卅年京輦不易見御園召翫同鄒枚畫圖在壁花

在眼海雲遮斷金銀臺

壹齋集卷三十

三

辛夷花房忽全開照吾檻兮霜雪皚貌姑肌膚盡呈露宗之瀟
灑臨風來我今不樂孤尊疊白日欲匿青春催一杯一杯復一
杯玉山與我交相頽

上已後一日程紱齋雨岑兄弟招同子卿太守過飲雨
岑所居在余昇平橋老屋之西向爲余姑夫邵石堂先
生故宅後歸休畱汪氏乾隆乙酉余兄弟又從汪氏僦
廳事以後與石翁同居前三楹爲息機軒余六歲從石
翁弟未齋先生發蒙之所僦居時仍屬汪氏不相通也
後聽事爲外兄尹甫先生授徒之地余與子卿紱齋先
後及門坐誦於此由今道光丁亥上湖乾隆乙亥己七
十三年下逮乙酉亦六十年未經再到今輪奐雖新

門庭依舊觸目興懷不勝今昔之感爰賤此詩

嗟我五歲孤六歲始就塾我姑居西鄰受業姑之叔三閒息機
軒左右蒔花竹面軒更鑿池游鱗遂潛伏無何不逾時屋已他
人屬追圖在辛丑約略記前躅乾隆辛丑曾爲未齋先生寫息機軒圖七十三年

中曾未一躡足何圖迫桑榆童游重寓目木香賸孫枝軒楹早
改築惟餘水一泐照我顛髮禿炳燭亦已遲負負兒時讀

我年十六時熒熒寒影隻阿兄歸移家與軒一牆隔檐宇本交
承管華忽割席門前俯翠樓猶自見花石石翁過而樂謂是我
舊宅遂攜外兄來樓居不嫌窄兄時方授徒我隨挾書策寒廳
互呬唔半未加冠幘當年同學人此坐有三客一去六十年嘉
會良足惜引杯相酢酬庶幾永今夕

同子卿重過古桑書屋屋歸吳姓時已改作

壹齋集卷三十

四

井竈失遺處枯桑記夕陰一鏡風雨夜十載春令心白髮過疑
誤朱簾映更深招攜共王翰指點動愁吟

銷夏襍興十首

避暑虛堂白不聞卅年纔得別暑氛重簾香度光風蕙高閣晴
看出岫雲計樂離官奚止寸離官寸寸樂元遺山句惜陰垂老莫拋分竹
牀偃仰清無寐濃翠填窗對此君

請假諸兒次第歸團圞膝下未全非新栽爛漫花三徑舊植輪
囷柳十圍閣度賜書三篋富歲支恩俸一家肥問渠何福
能消受敢說田園生事微

春始經營屋後居落成已見豆花初飯香喜熟蟬鳴稻羹美新

嘗葉下魚放翁詩注鄉俗謂夏秋魚爲荷葉下魚覓句詩艱還自笑持籌心苦更

何如

羲皇不許閒身退那得臨風樂有餘

竹下柴關鍵不開經旬石路繡莓苔蒹葭時有門生詠穉穢從
無熱客來朝莫無憑狙賦芋盛衰如夢蟻爭槐仰瞻雲路秋期
近極目西風掃薄埃

家具頻移費按尋圖書都被鼠蟲侵篋遺暑雨心朋簡囊弄春

雷手澤琴暑雨迷懷詩續為謝梅農乾隆辛丑在京唱和作古琴背刻春雷二字為先君所遺珍重青

瑣緣舊物休嗤做詩享千金衰翁更有雄心在惜失霜鋒古劍

鑰向有劍一七首一檢點不知所在

沉壁書窗下筆麓零縑斷楮恣雅塗湖田自昔無人買邨酒難

求善價沽失笑分明非價鼎何時變化出桓廚若教持比山陰

扇值得羲之半字無時有以余昔年書畫求售者俾定其真偽

谿山好處誰工畫高士千之馬與振之鐸一角煙巒分遠翠兩

家花樹互交枝兩君湖上比隣而居時攜枕簟晨先集閒有笙歌客自吹

今日丹青猶在眼酒壚悵望不勝悲

朔稱卓鄭晦顏原過眼浮雲絕可憐花外樓臺曾鬥酒水邊竹

樹早沈煙空餘斷艇臨流艤無復新菱帶露鮮戴園池菱最鮮美六十

年中再興廢回思往事重悽然戴園舊為閔園今歸陳氏亭園凡再葺再廢

招涼湖上有招提陳迹重尋路已迷清簟疎簾閱看奕談空說

有靜揮犀庭梅枝認當年折壁畫塵留去日題笑煞山僧遭醉

尉費他幾囊薩波整圓照寺僧昨為署照尉章某所辱

曉起微雲帶月斜瞻餅看放白蓮花養心端自無求始勝熱終

當以靜嘉問字未須煩載酒聞歌何必定迴車惟祈快雨江城

遍家有涼風眾不諱

壹齋集卷二十 五

夜雨不寐七月十一日

乍聞雷宇輓驟送雨滂沱可惜瑯琊稻都成滅裂禾憑誰祝田
祖無計塞天河不識淮隄上秋風更若何

希右園木芙蓉盛開金葉山小林屋遺種也感賦

又見新開寒露叢故人當日此門中太行一別人琴杳獨凭闌
干對冷紅

墨花尹白後能工幅幅屏風在眼中曾是虛堂看落筆劇憐今
日賸衰翁

九月三日與子卿登楮山

與我作足亦良苦重跼名山青可數南窮江漢北烏桓西抵雲
朔東齊魯黃山雁宕分寸躋五老煙嵐遠曾覩家山一簣日在
眼倒影明湖弄肩媿似怪歸來未一登遙睇嫣然意微慙秋晴
與客約攜壺腰腳潛商辛我與故人索居步每怯是日牽連勇
可賈不休不杖竟造顛大笑山亭掌同村可知勇怯本無常志
果先定氣能輔幾家別墅枕湖塘何處征帆送江浦設色真成
鵲華秋相將便是神仙侶會須濯足在山泉一洗東華卅年土
天風吹動塔鈴語不擬兩翁健如許

壹齋集卷三十

六

憩石人山集賢庵遂至白馬山頂尋紫燕白馬諸洞

老綠焜黃襍樹斑斕頭幾點露孱顏此間寸寸皆秋色略似癡
翁淺絳山

白馬奔騰紫燕飛仙人何處負苓歸唯餘鴨腳參雲上高蔭空
山四十圍

漫學王蒙細筆皴山靈面目盡非真洞門一闕仙凡隔真箇蕭

郎是路人蕭尺木謬託王蒙會寫白馬山圖刻於太平三書然於本山一無似處

野語荒唐太不經聚觀婦孺暗相驚山神似報先生至夜半虛

堂鼓自鳴

郝民言山麓雙廟夜半鼓三擊似豫知余至者真齊東語也

九月十九日登法華庵太上閣歸飲古香精舍四次前

韻

鬱藍天染縹藍紙彈指空中樓閣起天風吹我第三層無限好
山來眼裏大江東去復左旋迴帆搥鼓聲遙傳朝吳暮楚坐而
致未讓羽化誇飛仙閣祀老子及呂仙今年三農稱有年田疇繪若圖
畫然幽風一卷置我前茲游何莫非天緣老僧指點歸途靜寒
菜一畦翠煙冷已許青山結素心正須白髮交垂領竹柏易得
閒人難從知豹隱勝鵬搏仰天大笑梅花下不覺尊中酒已寒
雪後湖亭次子卿韻

山陰快雪報時晴嬾擁羣書面百城延客湖山排闥熟近人鷗
鳥似家生波迴魚艇思乘興風送鄰歌憶濯纓莫笑頻來耐清

冷梅邊竹裏最關情

復雪再次前韻

諺傳等伴果難晴一夕渾如不夜城坐覺香銷鑪火滅書疑墨
淡硯冰生冷吟那惜寒穿履縱飲狂思醉絕纓寄語湖山清興
發老夫猶有少年情

齒痛戲成

我年八十齒牙全并華日漱牢且堅大肉硬餅略無礙妒煞龍
鍾病少年忽然觸物痛不已雖無落勢有落理墜葉何須待烈
風舉似少年應色喜人生大患惟有身區區齒牙何足論折肢
捐首佛不惜一毛不拔伊何人

襍詩五首

山梅寒未花疎葉大如菽欲雪不肯雪冷雨霏斷續寂寥抱冬

心無言倚修竹黃梅開何時飛香替芬馥乍聞旋復疑徐思意有觸王朗慕華歆形骸學粗躅廬濛侯捻纓清妍乃其獨

天竹與女貞際冬皆結實一以供人翫一以藥人疾或紅如珊瑚雀啞見必叱或黝如石蓮墜地棄不恤人心多愛憎天心無甲乙木生貴有用要令作宮室不見萬年枝千霄復蔽日

枇杷有兩株高者出屋檐枝葉無異同結實分酸甜南風四月交金丸攢葉尖甜者人所甘酸者人意嫌那知采摘并遠合酸甜兼兒童驚見之競攫食已厭何須強分別決擇徒精嚴

小園一畝寬書舍如舟大古柳蔭其南西復峙雙檜修竹數百竿左右相映帶襍花十餘樹春秋足嘉會問子從宦歸於國果無害飽食而安眠得此母乃泰桑榆不可收感媿誠無柰

我有賢友生各在天一涯許生乃使黔南程子思宦長沙田祁

從我游相將上金華張籍學古澹河詩筆紛天葩徐幹以憂去

讀三樓忍淚還其家思之入夢寐歎醉寒廳誰嚴更忽驚寤紉如鼓

再登太上閣因飲其上

荒榛循曲徑高閣聳江灣俯瞰穿雲樹平臨隔岸山不辭連月至難得此身閒爛醉仙應許煙空鶴未還

圓照寺看雪食園菘

忍寒去看漫天絮謀醉來嘗踏地菘豈爲彥倫敦菜食欲尋和靖扣花宮雲連湖水波翻黑雪映經樓色轉紅排日作游臥底事老夫如願樂年豐

曉起望積雪

冬來三度雪曉起登我樓漫汗合萬瓦皦絜晃兩眸江鄉無情

農四時勤鋤耨往者闕樹麥近且彌平疇一雨足滋溉況乃三
白優豈惟盜賊息兼合疾病瘳夏熱冬溫人多病至今未已餘生願身滿一
飽夫何求不知燕齊郊同此寒雲不

竹實歌

謝觀察崧自雲南大理攜歸嘉平八日
招同子卿過飲爲粥食客爲作此歌

滇南竹實天下稀小於蓮葍圓如璣分來萬里鶴雛食噉我凍
頰紅生臙我讀本草經服之通神明能身輕又讀陶別錄但云
出益州滇南卽漢益州郡不言其狀知無由是時烏蠻金齒遠
未通人煙或經顆粒曾流傳非關隱居博物不如張茂先後來
載記說愈竒大如雞子懸竹枝生苦竹者毒厥名爲竹肉產餘
干者甘似蜜碧葉層層包裹密大都蕘童樵叟偶見於山谷不
是甫里先生所詠之青復陸魯望置酒行弄復未垂孤鳳鐵按
復廣韻注誤作實竹唯集韻類篇作
實竹江南竹老乃生米狀如小麥枯欲死竹之精華先盡矣尋常

壹齋集卷二十

九

鳥雀棄不顧那有翩翩鳳皇子我聞茲實采采生不已竹自青
青色鮮美主人載歸爲粥約鄉里坐客爭嘗動食指瀟不類雞
頭甘且勝薏苡匙鈔穩送之香輒沁牙齒丹楛白楛不可知風
實雲子毋乃是我爲果腹顏轉童仙之人兮來宵中騎鸞翳鳳
襍沓紛憧憧左挹謝元卿右把東王公但覺習習雨腋生天風

十二月十二日雪

夜雪平地尺侵曉仍聯翩三冬見三白先集消入田今茲積如
許不見將十年自是大有慶農夫何疑焉開春樂上歲斗米纔
三錢富人共年穀坐使鄙吝捐奈何民訛言云見龍挂天冬溫
事恆然不蟄陰陽愆游言幸勿倡未覩休浪傳試看梅破萼方
與春爭妍

雪夜感舊六言

蕭蕭雪後檐雨烈烈窗前竹風白髮一燈枯坐先生本是冬烘
硯沼欲冰未合書衣已倦仍開五十餘年陳迹煙消火冷都來
有客頻過小閣後生誰記當時一瓊卮醪對酌三更風雪論詩
乾隆丁酉丙申余居古桑書屋寒夜謝梅農翻來半掩閣故
梅農庚子在京師和余詩有記否江湖樂飛觥惜短更之句
持益江樓看雪爲圖呵凍寒廳清景付諸夢寐故人賸有丹青
乾隆甲辰余畱武昌度歲歲除與金葉山登黃鶴樓看雪又
與臧子模合爲歲朝圖今圖在而故人云亡且十餘年矣

立春前一日喜晴

窗曉乍聞雅獲獲雪晴漸露瓦鱗鱗
韭芽淺白芹芽碧併入蔬盤看打春

立春日雨

冷雨洗積雪更番未肯休畏寒踰曲室謝客擁凡裘佳節成孤
坐比鄰厭衆咻墊巾爭戴勝著屐看鞭牛擾擾人何限淒淒我

壹齋集卷二十

十

正愁足穿東郭履目斷剡谿舟小市車多泥通衢賈不售燎衣
薪帶濕避漏屋難修種種貧兼病林林願孰酬飢寒行處有升
斗給誰求霽色瞻林表繁聲聽瓦溝快晴如可丐梁稻尙堪謀

雷十二月二十七日

入春纔七日夜半忽聞雷積雪方盈尺淫霖何遽來豐年不應
爾天道遠難推但覺歲華暮飢寒民可哀

